

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-851/20
Sarajevo, 4.5.2020. godine

Z A P I S N I K

5. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 28.4. i 4.5.2020. godine

Sjednica je počela u 12:20 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, potpredsjednika Federacije Milana Dunovića, zamjenicu premijera Federacije Jelku Milićević, ministre u Vladi Federacije i predstavnike medija koji prate rad sjednice.

Izostanak sa sjednice je opravdala Mirela Trepanić.

Prema evidenciji Stručne službe, sjednici je prisustvovao 51 delegat što čini većinu pa Dom naroda može raditi i punovažno odlučivati.

Predsjedavajući Tomislav Martinović je predložio da se diskusije po tačkama dnevnog reda 5. vanredne sjednice Doma naroda Parlamenta FBiH vode u okviru pet minuta, a da eventualne replike budu u okviru jedne minute, što su delegati jednoglasno prihvatili.

U raspravi o izmjenama i dopunama predloženog dnevnog reda su učestvovali: predsjedavajući Tomislav Martinović, Elmedin Konaković i Jasmin Duvnjak.

Elmedin Konaković je predložio da se u dnevni red današnje sjednice uvrsti Prijedlog zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća koji je on predložio. Također je pokrenuo Inicijativu da se u dnevni red današnje sjednice uvrsti tačka - Imenovanje komisije za utvrđivanje i ispitivanje činjenica vezanih za nabavku 100 respiratora iz NR Kine.

Predsjedavajući je odgovorio da je Prijedlog zakona dostavljen Vladi Federacije radi davanja mišljenja, a da mišljenje još nije dostavljeno.

U vezi Inicijative, predsjedavajući je pročitao Inicijativu Elmedina Konakovića za formiranje komisije za utvrđivanje i ispitivanje činjenica vezanih za nabavku 100 respiratora iz NR Kine koji su plaćeni 10,5 miliona KM.

Potom se prešlo na utvrđivanje dnevnog reda.

Predsjedavajući je stavio na glasanje da se Prijedlog odluke o izmjenama i dopunama Budžeta Federacije Bosne i Hercegovine za 2020. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 51 glasom prihvatio da se Prijedlog odluke o izmjenama i dopunama Budžeta Federacije Bosne i Hercegovine za 2020. godinu razmatra po hitnom postupku.

Nakon toga predsjedavajući je stavio na glasanje prijedlog da se Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 51 glasom prihvatio da se Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu razmatra po hitnom postupku.

Predsjedavajući je potom stavio na glasanje prijedlog da se Prijedlog zakona o rokovima i postupanju u sudskim postupcima za vrijeme stanja nepogode na teritoriji Federacije BiH razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 51 glasom prihvatio da se Prijedlog zakona o rokovima i postupanju u sudskim postupcima za vrijeme stanja nepogode na teritoriji Federacije BiH razmatra po hitnom postupku.

Nakon toga, predsjedavajući je stavio na glasanje prijedlog da se Prijedlog zakona o ublažavanju negativnih ekonomskih posljedica razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 51 glasom prihvatio da se Prijedlog zakona o ublažavanju negativnih ekonomskih posljedica razmatra po hitnom postupku.

Predsjedavajući je potom stavio na glasanje prijedlog da se u dnevni red današnje sjednice uvrsti Inicijativa delegata Elmedina Konakovića za imenovanje komisije koja će utvrditi činjenice o spornoj nabavci respiratora koji su plaćeni novcem građana Federacije BiH, nabavljeni iz Narodne Republike Kine, a čiju je nabavku izvršila firma koja se bavi uzgojem i prodajom malina kao osnovnom djelatnošću.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 52 glasa prihvatio da se ova Inicijativa uvrsti u dnevni red današnje sjednice

Zatim je predsjedavajući stavio na glasanje predloženi dnevni red i na osnovu rezultata glasanja konstatovao da je Dom naroda Parlamenta Federacije Bosne i Hercegovine sa 52 glasa za usvojio sljedeći:

DNEVNI RED

1. Prijedlog odluke o izmjenama i dopunama Budžeta Federacije Bosne i Hercegovine za 2020. godinu - hitni postupak,
2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu - hitni postupak,
3. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu, Izmjene i dopune Finansijskog plana Federalnog fonda solidarnosti za 2020. godinu (Anex I) i Odluku o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu,
4. Prijedlog zakona o rokovima i postupanju u sudskim postupcima za vrijeme stanja nesreće na teritoriji Federacije Bosne i Hercegovine - hitni postupak,
5. Prijedlog zakona o ublažavanju negativnih ekonomskih posljedica - hitni postupak,
6. Odluka o prihvatanju zaduženja po sporazumu o zajmu između Bosne i Hercegovine i Svjetske banke - Međunarodne banke za obnovu i razvoj (IBRD) za hitni projekat za COVID-19 za Bosnu i Hercegovinu,
7. Prijedlog odluke o prihvatanju zaduženja Federacije Bosne i Hercegovine u okviru instrumenata za brzo finansiranje (RFI) Međunarodnog monetarnog fonda (MMF)
8. Imenovanje komisije za utvrđivanje i ispitivanje činjenica vezanih za nabavku 100 respiratora iz NR Kine.

1. Prijedlog odluke o izmjenama i dopunama Budžeta Federacije Bosne i Hercegovine za 2020.godinu - hitni postupak

Vlada Federacije Bosne i Hercegovine je utvrdila i dostavila prijedlog odluke Parlamentu Federacije radi razmatranja i donošenja.

Prijedlog odluke je razmatralo nadležno radno tijelo koje je dostavilo svoj izvještaj.

Vlada Federacije je naknadno dostavila Amandman koji se odnosi na Prijedlog ove Odluke.

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine usvojio Prijedlog odluke o izmjenama i dopunama Budžeta Federacije Bosne i Hercegovine za 2020. godinu sa jednim amandmanom Vlade Federacije BiH koji je postao sastavni dio Prijedloga zakona i jednim amandmanom koji Vlada FBiH nije prihvatila ali ga je Predstavnički dom usvojio.

Prijedlog odluke obrazložio je premijer Vlade Federacije BiH Fadil Novalić.

Na Prijedlog odluke amandmane su podnijeli: Elvedin Mušanović - jedan amandman, Senad Alić - jedan amandman, Rasim Pajić - jedan Amandman i Vibor Handžić - četiri amandmana.

Amandmani su dostavljeni Vladi Federacije radi Izjašnjenja.

Vlada Federacije je dostavila izjašnjenje kojim ne prihvata podnesene amandmane.

U raspravi su učestvovali: Elmedin Konaković, Damir Marjanović, Aner Žuljević, Vibor Handžić, Ivo Tadić, Nijaz Musić, Edim Fejzić, Boris Krešić, Zvonko Marić, Aljoša Čampara, Dragan Stevanović, Jasmin Duvnjak i Igor Stojanović.

Budući da Vlada Federacije nije prihvatila podnese amandmane, predsjedavajući je upitao delegate da li ostaju pri podnesenim amandmanima.

Delegati Elvedin Mušanović i Vibor Handžić su izjavili da odustaju od podnesenih amandmana, kao i Rasim Pajić, ali da se usvojio Prijedlog zaključka kojeg je on podnio.

Budući da delegat Damir Marjanović nije odustao od amandmana, predsjedavajući ga je stavio na glasanje i konstatovao da Dom naroda Parlamenta Federacije BiH nije usvojio amandman, jer su za Amandman glasala 23 delegata, a 27 delegata je bilo suzdržano.

Delegat Senad Alić nije prisustvovao sjednici, pa se nije glasalo o njegovom amandmanu.

Potom se prešlo na glasanje o Prijedlogu odluke.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, 14 glasova protiv i četiri suzdržana glasa usvojio Prijedlog odluke o izmjenama i dopunama Budžeta Federacije Bosne i Hercegovine za 2020. godinu u tekstu kako ju je usvojio Predstavnički dom.

Kako je Aner Žuljević izrazio sumnju u rezultate glasanja, pristupilo se poimeničnom glasanju, kojeg je obavio sekretar Doma naroda Izmir Hadžić.

Na osnovu rezultata poimeničnog glasanja, predsjedavajući Doma naroda Parlamenta FBiH je konstatovao da je sa 32 glasa za, 14 glasova protiv i četiri suzdržana glasa usvojio Prijedlog odluke o izmjenama i dopunama Budžeta Federacije Bosne i Hercegovine za 2020. godinu u tekstu kako ju je usvojio Predstavnički dom.

Nakon toga predsjedavajući je stavio na glasanje Prijedlog zaključka delegata Rasima Pajića.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 35 glasova za i 12 suzdržanih glasova usvojio sljedeći:

ZAKLJUČAK

U okviru koda 6141 Tekući transferi drugim nivoima vlasti i fondovima - transfer za sanaciju zdravstvenih ustanova u Federaciji Bosne i Hercegovine, koji je planiran u iznosu od 30.000.000,00 KM.

Tražim da se za Kantonalnu bolnicu Dr. Irfan Ljubijankić Bihać planiraju i dodjele sredstva u iznosu od 5.000.000,00 KM.

Zatim se pristupilo glasanju o Prijedlog zaključka delegata Elvedina Mušanovića.

Na osnovu rezultata glasanja sa 13 glasova za, 15 glasova protiv i 28 suzdržanih glasova nije usvojen sljedeći:

ZAKLJUČAK

Zadužuje se Vlada FBiH da u narednom rebalansu Budžeta osigura neophodna sredstva za normalno funkcionisanje Kabineta na poziciji 1.1.0.2., Kabinet potpredsjednika FBiH koja su bila predviđena prijedlogom Odluke o izmjenama i dopunama Budžeta FBiH za 2020. godinu.

Nakon toga predsjedavajući je stavio na glasanje Prijedlog zaključka delegata Nijaza Musića.

Na osnovu rezultata glasanja sa 41 glasom za i tri suzdržana glasa je usvojen sljedeći:

ZAKLJUČAK

Zadužuje se Vlada Federacije Bosne i Hercegovine da, prilikom pripreme i usvajanja Odluke o kriterijima i iznosima finansijskih sredstava sa Razdjela 1601 Federalnog ministarstva finansija na ekonomskom kodu 6141 - Tekući transferi drugim nivoima vlasti i fondovima - kantoni i općine koji iznosi 30.000.000,00 KM, uzme u obzir nerazvijene i neodržive općine i gradove.

Predsjedavajući je zatim stavio na glasanje Prijedlog zaključka delegata Elvedina Mušanovića.

Na osnovu rezultat glasanja sa šest glasova za, bez glasova protiv i 44 suzdržana glasa nije usvojen sljedeći:

ZAKLJUČAK

Zadužuje se Vlada FBiH da za potrebe društva Merhamet u toku kalendarske godine osigura sredstva u iznosu od 150.000,00 KM. Sredstva osigurati sa razdjela 51, ekonomski kod 614.

2. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu - hitni postupak

Vlada Federacije Bosne i Hercegovine je utvrdila i dostavila Prijedlog zakona Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu u tekstu kako ga je predložila Vlada Federacije BiH.

Prijedlog zakona je razmatralo nadležno radno tijelo koje je dostavilo svoj izvještaj.

Na Prijedlog zakona amandmane su podnijeli: Senad Alić - tri amandmana i Klub delegata hrvatskog naroda - dva amandmana.

Vlada Federacije je dostavila izjašnjenje kojim ne prihvata podnesene amandmane.

Prijedlog zakona obrazložila je federalna ministrica finansija Jelka Milićević.

U raspravi su učestvovali: Elmedin Konaković, Damir Džeba, Ivan Ivić, Ivo Tadić, Aner Žuljević, Jasmin Duvnjak, Dragan Stevanović, Zdenka Džambas, Aljoša Čampara.

Budući da Vlada Federacije nije prihvatila podnesene amandmane, predsjedavajući je upitao podnosioca amandmana da li ostaju kod podnesenih amandmana.

Ivo Tadić je, u ime Kluba delegata hrvatskog naroda, izjavio da Klub odustaje od podnesenih amandmana, ali da se usvoji Prijedlog zaključka kojeg je predložio Klub. Delegat Senad Alić nije prisustvovao sjednici, pa se nije glasalo o njegovim amandmanima.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za, jednim glasom protiv i 15 suzdržanih glasova usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2020. godinu.

Zatim je predsjedavajući stavio na glasanje Prijedlog zaključka Kluba delegata hrvatskog naroda.

Na osnovu rezultata glasanja sa 50 glasova za, jednoglasno je usvojen sljedeći:

ZAKLJUČAK

Tekući transferi drugim nivoima vlasti i fondovima - sredstva iz RFI aranžmana sa MMF-om, raspodjelit će se prema broju stanovnika po popisu iz 2013. godine sljedećim kantonima: Tuzlanski kanton, Sarajevski kanton, Zeničko - dobojski kanton, Srednjobosanski kanton, Unsko - sanski kanton, Hercegovачko - neretvanski kanton, Zapadnohercegovački kanton i Kanton 10. Za Posavski i Bosansko - podrinjski kanton predvidjeti ponder 2 koji će se koristiti uz kriterij broja stanovnika prema popisu iz 2013. godine.

Poslije toga, predsjedavajući je stavio na glasanje Prijedlog zaključka delegata Ivana Ivića.

Na osnovu rezultata glasanja sa 47 glasova za i tri suzdržana glasa usvojen sljedeći:

ZAKLJUČAK

Zadužuje se Vlada Federacije Bosne i Hercegovine da, prilikom pripreme i usvajanja Odluke o kriterijima i raspodijeli sredstava iz stava 4. člana 5. Prijedloga zakona o izmjenama i dopunama Zakona o izvršavanju Budžeta Federacije BiH za 2020.godinu, predvidi ponder od 1,5 koji će se uz kriterij: broj stanovnika u kantonima na osnovu popisa stanovništva iz 2013. godine primjenjivati za Kanton 10.

- 3. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu, Izmjene i dopune Finansijskog plana Federalnog fonda solidarnosti za 2020. godinu (Anex I) i Odluku o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu**

Vlada Federacije Bosne i Hercegovine je utvrdila i dostavila Prijedlog odluke Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine donio je Odluku o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu, Izmjene i dopune Finansijskog plana federalnog fonda solidarnosti za 2020. godinu (Anex I) i Odluku o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu.

Prijedlog odluke je razmatralo nadležno radno tijelo koje je dostavilo svoj izvještaj.

Prijedlog odluke obrazložila je direktorica Zavoda Vlatka Martinović.

U raspravi niko nije učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, 10 glasova protiv i dva suzdržana glasa donio Odluku o davanju saglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu, izmjene i dopune Finansijskog plana Federalnog fonda solidarnosti za 2020. godinu (Anex I) i Odluku o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije Bosne i Hercegovine za 2020. godinu.

4. Prijedlog zakona o rokovima i postupanju u sudskim postupcima za vrijeme stanja nesreće na teritoriji Federacije Bosne i Hercegovine - hitni postupak

Vlada Federacije Bosne i Hercegovine je utvrdila i dostavila prijedlog zakona Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine usvojio Prijedlog zakona o rokovima i postupanju u sudskim postupcima za vrijeme stanja nesreće na teritoriji Federacije Bosne i Hercegovine sa tri amandmana koje je Vlada FBiH prihvatila pa su postali sastavni dio Prijedloga zakona.

Prijedlog zakona obrazložio je federalni ministar zdravstva Mato Jozić.

U raspravi su učestvovali Boris Krešić, Tomislav Martinović, Nijaz Musić, Elmedin Konaković i Zvonko Marić.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 48 glasova za i dva suzdržana glasa usvojio Prijedlog zakona o rokovima i postupanju u sudskim postupcima za vrijeme stanja nesreće na teritoriji Federacije Bosne i Hercegovine u tekstu kako ga je usvojio Predstavnički dom.

5. Prijedlog zakona o ublažavanju negativnih ekonomskih posljedica - hitni postupak

Vlada Federacije Bosne i Hercegovine je utvrdila i dostavila Prijedlog zakona Parlamentu Federacije radi razmatranja i donošenja

Naknadno, Vlada Federacije je dostavila 12 amandmana koji su postali sastavni dio Prijedloga zakona.

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine usvojio Prijedlog zakona o ublažavanju negativnih ekonomskih posljedica sa 12 amandmana Vlade Federacije BiH koji su postali sastavni dio ovog Prijedloga.

Na Prijedlog zakona amandmane su podnijeli delegati: Slađan Ilić (dva), Daliborka Milović (tri), Senad Alić, Ramo Isak i Rasim Pajić su zajednički podnijeli osam amandmana, Aner Žuljević (25), Elvedin Mušanović (dva), Sandra Imširović i Boris Krešić (dva), Vibor Handžić (15) i Klub delegata hrvatskog naroda (jedan).

Prijedlog zakona obrazložila je federalna ministrica finansija Jelka Milićević.

Prijedlog zakona je razmatralo nadležno radno tijelo koje je dostavilo svoj izvještaj.

U raspravi je učestvovao Elmedin Konaković, nakon kojeg je predsjedavajući upitao delegate da li su za prekid sjednice, zbog ranije preuzetih obaveza i da se sjednica nastavi u ponedjeljak, 4. 5. 2020. sa početkom u 11 sati. Delegati su prihvatili ovaj prijedlog, te je sjednica prekinuta u 18:58 sati.

NASTAVAK SJEDNICE 4.5. 2020. GODINE

Sjednica je počela u 11:18 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, potpredsjednika Federacije Milana Dunovića, zamjenicu premijera Federacije Jelku Milićević, ministre u Vladi Federacije i predstavnike medija koji prate rad sjednice.

Izostanak sa sjednice su opravdali Mirela Trepanić, Anel Šahinović, Drago Puzigaća i Daliborka Milović.

Prema evidenciji Stručne službe, sjednici je prisustvovalo 49 delegata što čini većinu pa Dom naroda može raditi i punovažno odlučivati.

Predsjedavajući je podsjetio na preostale tačke dnevnog reda:

5. Prijedlog zakona o ublažavanju negativnih ekonomskih posljedica – hitni postupak,
6. Prijedlog odluke o prihvatanju zaduženja po Sporazumu o zajmu između Bosne i Hercegovine i Svjetske banke - Međunarodne banke za obnovu i razvoj (IBRD) za hitni projekt za COVID - 19 za Bosnu i Hercegovinu,

7. Prijedlog odluke o prihvatanju zaduženja Federacije Bosne i Hercegovine u okviru instrumenata za brzo finansiranje (RFI) Međunarodnog monetarnog fonda (MMF),
8. Prijedlog odluke o imenovanju Komisije za utvrđivanje činjenica o nabavci 100 respiratora iz Narodne Republike Kine.

5. Prijedlog zakona o ublažavanju negativnih ekonomskih posljedica - hitni postupak

Vlada Federacije Bosne i Hercegovine je utvrdila i dostavila Prijedlog zakona o ublažavanju negativnih ekonomskih posljedica Parlamentu Federacije radi donošenja.

Prijedlog zakona obrazložio je premijer Federacije Bosne i Hercegovine Fadil Novalić.

Prijedlog zakona je razmatralo nadležno radno tijelo koje je dostavilo izvještaj.

Na Prijedlog zakona amandmane su podnijeli: Slađan Ilić - dva amandman, Daliborka Milović - tri amandmana, Senad Alić, Ramo Isak i Rasim Pajić - osam amandmana i Aner Žuljević - 25 amandmana, Vibor Handžić - 15 amandmana, Klub delegata hrvatskog naroda u Domu naroda - jedan amandman, Boris Krešić i Sandra Imširović - jedan amandman, Elvedin Mušanović - dva amandmana.

Vlada Federacije je dostavila izjašnjenje kojim nije prihvatila podnesene amandmane.

U raspravi su učestvovali: Vibor Handžić, Aner Žuljević, Segmedina Srna - Bajramović, Dževad Hadžić, Dragan Stevanović, Vesna Saradžić, Mladen Simić, Ivo Tadić, Elmedin Konaković, Damir Marjanović, Igor Stojanović.

Nakon rasprave, predsjedavajući je upitao podnositelje amandmana da li ostaju kod podnesenih amandmana.

Delegat Elvedin Mušanović je odustao od predloženih amandmana te se nije pristupilo izjašnjavanju o amandmanima.

Delegati Sandra Imširović i Boris Krešić su odustali od predloženih amandmana te se nije pristupilo izjašnjanju o istim.

Budući da ostali podnosioci amandmana nisu odustali od amandmana, predsjedavajući ih je stavio na glasanje.

Prvo se glasalo o amandmanima delegata Slađana Ilića.

Amandman I - na osnovu rezultata glasanja, sa 18 glasova za i 29 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman II - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ni ovaj amandman.

Budući da delegatkinja Daliborka Milović nije bila prisutna, nije se pristupilo glasanju o podnesenim amandmanima.

Zatim se pristupilo glasanju o amandmanima koje su podnijeli delegati Senad Alić, Ramo Isak i Rasim Pajić.

Amandman I - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman II - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman III - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman IV - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Budući da su delegati odustali od amandmana V, VI, VII i VIII, pristupilo se glasanju o amandmanina delegata Anera Žuljevića.

Amandman I - na osnovu rezultata glasanja, sa 18 glasova za i 30 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman II - na osnovu rezultata glasanja, sa 18 glasova za i 32 suzdržana glasa predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman III - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman IV - na osnovu rezultata glasanja, sa 18 glasova za i 32 suzdržana glasa predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman V - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman VI - na osnovu rezultata glasanja, sa 20 glasova za i 30 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman VII - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman VIII - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman IX - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman XIII - na osnovu rezultata glasanja, sa 21 glasom za i 28 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman XXV - na osnovu rezultata glasanja, sa 22 glasa za i 27 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Budući da je delegat Aner Žuljević odustao od amandmana koji nisu prethodno navedeni (amandmani X-XII i amandmani XIV-XXIV) nije se pristupilo izjašnjanju o istim.

Predsjedavajući je stavio na izjašnjanje amandmane delegata Vibora Handžića.

Amandman I - na osnovu rezultata glasanja, sa 19 glasova za i 31 suzdržan glas predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman II - na osnovu rezultata glasanja, sa 19 glasova za i 29 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman III - na osnovu rezultata glasanja, sa 18 glasova za i 29 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman VI - na osnovu rezultata glasanja, sa 20 glasova za i 28 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman XI - na osnovu rezultata glasanja, sa 18 glasova za i 30 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman XII - na osnovu rezultata glasanja, sa 18 glasova za i 30 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman XIII - na osnovu rezultata glasanja, sa 18 glasova za i 30 suzdržanih glasova predsjedavajući je konstatovao da Dom naroda Parlamenta Federacije BiH nije usvojio ovaj amandman.

Delegat Vibor Handžić je odustao od amandmana IV, V, VII, VIII, IX, X, XIV i XV, nije se pristupilo izjašnjavanju o istim.

Klub delegata hrvatskog naroda u Domu naroda je odustao od predloženog amandmana te se nije pristupilo izjašnjavanju o istom.

Nakon toga, na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 31 glasom za, 16 glasova protiv i jednim suzdržanim glasom usvojio Prijedlog zakona o ublažavanju negativnih ekonomskih posljedica sa 12 amandmana Vlade Federacije BiH.

Delegat Igor Stojanović je izrazio sumnju u rezultate glasanja i zatražio poimenično izjašnjavanje koje je obavio sekretar Doma Izmir Hadžiavdić.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta FBiH sa 32 glasa za, 15 glasova protiv i tri suzdržana glasa usvojio Prijedlog zakona o ublažavanju negativnih ekonomskih posljedica sa 12 amandmana Vlade Federacije BiH.

Nakon toga predsjedavajući je stavio na glasanje Prijedlog zaključka delegata Elvedina Mušanovića.

Na osnovu rezultata glasanja sa 11 glasova za i 37 suzdržanih glasova nije usvojen sljedeći:

ZAKLJUČAK

Zadužuje se Vlada Federacije Bosne i Hercegovine da finansijski pomogne rad banje i liječilišta na području FBiH, termalna liječilišta "Gata Bihać", "Akva Term

banjsko - rekreativni centar Olovo”, “JZU banja Ilidža”, “Gradačac” i liječilište “Reumal Fojnica” na način koji će biti prepoznati poslovni subjekti u tački 2. gore navedenog zakona. Sredstva za realizaciju ovog zaključka nalaze se na razdjelu 16., ekonomski kod 6141 - Tekući transferi drugim nivoima vlasti i fondovima.

Zatim je predsjedavajući stavio na glasanje Prijedlog zaključka delegata Dževada Hadžića.

Na osnovu rezultata glasanja sa 48 glasova za usvojen je sljedeći:

ZAKLJUČAK

Dom naroda Parlamenta Federacije Bosne i Hercegovine traži od Vlade Federacije BiH da po završetku postupka subvencioniranja doprinosa privrednih subjekata po osnovu pada prometa od 20% i više obavijesti Dom naroda o tome koji su privredni subjekti koristili pravo na subvenciju doprinosa za obavezna osiguranja a da su istovremeno u prethodne tri godine koristili sredstva za zapošljavanje radnika ili za zapošljavanje povratnika od Vlade Federacije BiH, ministarstava Vlade Federacije BiH ili Federalnog zavoda za zapošljavanje.

Predsjedavajući je stavio na glasanje Prijedlog zaključka Kluba delegata hrvatskog naroda.

Na osnovu rezultata glasanja sa 33 glasa za i 14 suzdržanih glasova usvojen je sljedeći:

ZAKLJUČAK

Dom naroda Parlamenta Federacije Bosne i Hercegovine traži od Vlade Federacije Bosne i Hercegovine i nadležnih institucija Bosne i Hercegovine da, bez odlaganja, stave na raspolaganje sredstva MMF-a u iznosu od 200 miliona KM koja izmjenama i dopunama Budžeta Federacije BiH za 2020. godinu pripadaju kantonima.

- 6. Prijedlog odluke o prihvatanju zaduženja po sporazumu o zajmu između Bosne i Hercegovine i Svjetske banke - Međunarodne banke za obnovu i razvoj (IBRD) za hitni projekat za COVID - 19 za Bosnu i Hercegovinu**

Vlada Federacije Bosne i Hercegovine je utvrdila i dostavila Prijedlog odluke o prihvatanju zaduženja po sporazumu o zajmu između Bosne i Hercegovine i Svjetske banke - Međunarodne banke za obnovu i razvoj (IBRD) za hitni projekat za COVID-19 za Bosnu i Hercegovinu Parlamentu Federacije BiH, radi razmatranja i donošenja.

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine donio Odluku o prihvatanju zaduženja po sporazumu o zajmu između Bosne i Hercegovine i Svjetske banke - Međunarodne banke za obnovu i razvoj (IBRD) za hitni projekat za COVID - 19 za Bosnu i Hercegovinu.

Prijedlog odluke je razmatralo nadležno radno tijelo koje je dostavilo svoj izvještaj.

Prijedlog odluke obrazložila je federalna ministrica finansija Jelka Milićević.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 48 glasova za donio Odluku o prihvatanju zaduženja po sporazumu o zajmu između Bosne i Hercegovine i Svjetske banke - Međunarodne banke za obnovu i razvoj (IBRD) za hitni projekat za COVID - 19 za Bosnu i Hercegovinu.

7. Prijedlog odluke o prihvatanju zaduženja Federacije Bosne i Hercegovine u okviru instrumenata za brzo finansiranje (RFI) Međunarodnog monetarnog fonda (MMF)

Vlada Federacije Bosne i Hercegovine je utvrdila i dostavila Prijedlog odluke o prihvatanju zaduženja Federacije Bosne i Hercegovine u okviru instrumenata za brzo finansiranje (RFI) Međunarodnog monetarnog fonda (MMF) Parlamentu Federacije BiH, radi razmatranja i donošenja

Predstavnički dom Parlamenta Federacije Bosne i Hercegovine je na 9. vanrednoj sjednici održanoj 23.4.2020. godine donio Odluku o prihvatanju zaduženja Federacije Bosne i Hercegovine u okviru instrumenata za brzo finansiranje (RFI) Međunarodnog monetarnog fonda (MMF) Parlamentu Federacije BiH.

Prijedlog odluke je razmatralo nadležno radno tijelo koje je dostavilo svoj izvještaj.

Prijedlog odluke obrazložila je federalna ministrica finansija Jelka Milićević.

U raspravi su učestvovali: Elmedin Konaković, Aner Žuljević, Rasim Pajić, Dževad Hadžić.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, jednim glasom protiv i dva suzdržana glasa donio Odluku o prihvatanju zaduženja Federacije Bosne i Hercegovine u okviru instrumenata za brzo finansiranje (RFI) Međunarodnog monetarnog fonda (MMF) Parlamentu Federacije BiH.

Nakon toga, predsjedavajući je stavio na glasanje Prijedlog zaključka delegata Rasima Pajića.

Na osnovu rezultata glasanja sa 12 glasova za i 28 glasova protiv nije usvojen sljedeći:

ZAKLJUČAK

Zadužuje se Vlada Federacije Bosne i Hercegovine da u utvrđivanju kriterija za raspodjelu sredstava iz Odluke o prihvatanju zaduženja Federacije Bosne i Hercegovine u okviru instrumenata RFI MMF-a učestvuju kantoni, gradovi i općine.

8. Prijedlog odluke o imenovanju komisije za utvrđivanje i ispitivanje činjenica vezanih za nabavku 100 respiratora iz Narodne Republike Kine.

Prijedlog odluke obrazložio je delegat Elmedin Konaković.

U raspravi su učestvovali: Ivo Tadić, Zvonko Marić, Jasmin Duvnjak, Segmedina Srna - Bajramović, Vesna Saradžić, Damir Džeba, Aner Žuljević, Dragan Stevanović.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za, donio Odluku o imenovanju Komisije za utvrđivanje i ispitivanje činjenica vezanih za nabavku 100 respiratora iz Narodne Republike Kine.

Sjednica je završila sa radom u 16:24 sati.

Transkript sjedice čini sastavni dio Zapisnika.

SEKRETAR

Izmir Hadžiovdić

PREDSJEDAVAJUĆI

Tomislav Martinović